



- Yfirlýsing -

Fyrirvararnir veita ekki öruggt skjól fyrir íslensku þjóðina

InDefence hópurinn hefur allt frá undirskrift Icesave lánasamninganna við Bretland og Holland þann 5. júní s.l. haldið því fram að samningarnir séu einhliða og ótækir fyrir Íslendinga. Samningarnir taka m.a. ekki nægilegt mið af því tjóni sem íslenskt efnahagslíf varð fyrir við beitingu hryðjuverkalaga breskra stjórnumvalda 8. október 2008, af þeim efnahagslegu atriðum sem koma fram í Brussel viðmiðunum frá 14. nóvember 2008 og hinni veiku getu íslenska ríkisins að greiða skuldir í erlendri mynt.

Að mati InDefence hópsins hefði verið farsælast fyrir Alþingi Íslendinga að afgreiða ekki frumvarpið um ríkisábyrgð, en þess í stað að samþykka þingsályktunartillögu, þar sem farið væri fram á nýjar samningaviðræður við bresk og hollensk stjórnvöld. Hópurinn hefur fært ítarleg rök fyrir því, m.a. í formlegu álið til fjárlaganefndar þann 10. júlí s.l., á fundum með samninganefnd Íslands og þingnefndum sem fjallað hafa um málið og í persónulegum samtölum við ráðherra og þingmenn úr öllum stjórnálaflokkum sem sæti eiga á Alþingi. Því miður reyndist ekki pólitískur vilji til að fara þessa þingsályktunartillöguleið.

InDefence hópurinn harmar auma frammistöðu íslenskra stjórnumvalda á öllum stigum Icesave málsins. Upphafið má að hluta rekja til vanræktrar eftirlitsskyldu. Í kjölfarið kom svo skipun fáliðaðrar og reynslulítillar samninganefndar með allt of þróngt samningsumboð, leyndarhyggja og feluleikur með grundvallar gögn málsins, og síðast en ekki síst, málflutningur sem virtist taka meira mið af þörfum Bretta og Hollendinga heldur en hagsmunum Íslendinga. Ef forsætisráðherra og fjármálaráðherra hefðu fengið að ráða væri Alþingi fyrir löngu búið að samþykka ríkisábyrgð á fyrilliggjandi Icesave samningum án nokkurra fyrirvara og án þess að þingmenn eða þjóðin hefði fengið að sjá sjálfa samningana.

Að lokum völdu þingmenn þá leið að setja fyrirvara í frumvarpið um veitingu ríkisábyrgðar vegna Icesave samninganna. Í ljósi þess beitti InDefence hópurinn sér fyrir því að slíkir fyrirvarar væru sem sterkestir, þannig að þeir myndu í versta falli verja þjóðina fyrir ósanngjörnustu skilmálum samningana og í besta falli leiða til þess að samið yrði upp á nýtt.

Það er mat hópsins að þeir fyrirvarar sem nú eru í frumvarpinu um ríkisábyrgð vegna Icesave samninganna séu til bóta þrátt fyrir að um sé að ræða pólitísku málamiðlun sem ekki gengur jafn langt og æskilegt væri. Samþykki frumvarpsins með þessum fyrirvörum gerir eftir sem áður ráð fyrir því að íslensk stjórnvöld greiði alla kröfuna, án þess að tryggja rétt Íslendinga til að fá skorið úr um réttmæti hennar. Fyrirvararnir eru einfaldlega ekki nægilega sterkir eða ótvíræðir til þess að tryggja að útkoman verði sanngjörn og viðráðanleg fyrir íslensku þjóðina.